

lien, 5 Mengli, 6 Mengting 0, 7 Mengtien, 8 Mengco, 9 Mengchang.

Prope Mengyang unum tantummodo montem adnotatum invenio, qui Queikiue dicitur, adeo ascensu arduus ac cavernosus est, ut à malo spiritu excavatum dicant.

M I E N Munimentum.

DE hac regione ita inquit Sinicus auctor: olim hæc Sinan terris fuit adnumerata, qualis in ea gens sit, ignoro; olim contra nos pugnarunt, & quinque urbes occuparunt, at Juena familia eos debellavit, regnumque occupavit: habent urbes ac mœnia, domosque ad inhabitandum, elephantes ac equos usibus aptos, naves ac

pontes ad flumina trajicienda: scribendi modum ac litteras habent singularem, ditiores auri foliis sua inscribunt, alii papyrum adhibent, alii Areæ folia: gens est colore nigricanti, natura fallax; reliqua eadem omnino sunt quæ dicit supra. Producit regio, quod petroleum vocant, præsens scabiei remedium. Ex quibus colligo hic vicinum Mien regnum fuisse, de quo M. Paulus Venetus agit; hoc autem munimentum à Sinis exstructum contra irruptiones, aut conatus hostium ex regno Mien. Vicina sub se sex alia habet munimenta, quæ sunt 1 Mien, 2 Pape, 3 Santihung, 4 Sochung, 5 Mungyang, 6 Mitien. alia quædam minora loca sunt, quæ satis dilucidè expressa sunt in mappa.

L E A O T V N G R E G I O.



Ngens hic terrarum tractus est inter sinum Çang & murum magnum interceptus, Leaotung Sinæ vocant; licet autem magnitudine, populique frequentia Provinciæ nomen ac dignitatem jure mereatur, illam tamen Taiminga familia concedere noluit, quia abolito fere ubique urbium ac civitatum nomine, munimenta statuit, quæ à militibus regerentur præfectis, paucis quibusdam relictis, in quibus summi præfecti, Prorex nimirum, ac regni habitaret: Visitator, majori cum majestate ac imperio, de quibus infra erit agendi locus. hæc autem idcirco facta sunt, quod Sinicus Imperator per totam illam regionem ingentia cogeretur alere militum præsidia, ob nimiam Niuche, & Niulhan Tartarorum viciniam, præcipue postquam sub Kiacingo Imperatore murum Tartari armata superassent manu, ingentesque egissent per totam devastatam provinciam, prædas; ac tamen bellum illud minime fuerit continuatum, sopitum tamen potius fuit, quam extinctum: nam sub Vanlieo iterum illius erupit incendium, nec quievere prius Tartari, quam totum fere occupassent imperium, atque etiamnum acriter pro ejus reliquiis decertant, ut fufius aliquanto docui in meo de bello Tartarico commentariolo.

Termini. Hujus regionis termini sunt ad partem orientalem Ylao fluvius, & Sinus maris per quem à Corea peninsula separatur, Coream

enim ac Leaotung fluvius è Tartaria adveniens mediam interfecat; ad hujus autem ripam, qua ad occidentem spectat, celeberrimi illius muri, de quo suo loco dixi, initium est, qui limites ad boream statuit, nam ab ortu in occasum, à Caiyuen nimirum usque ad Kichin protensus hæc terras à Tartaria sejungit. ad occasum eam claudit Pecheli Provincia, & medius inter utramque profluens Linohang fluvius; reliquæ qua ad Austrum magis pertinent, Çang Sinus maris alluit, atque defendit.

Priscis temporibus sub Yui divisione pars *Divisio ac nomina antiqua.* Leaotung Ki, pars Cing Provinciæ attributa est; sub Xuno vero terræ vergentes ad Barrapeliotem regioni Jeu fuere accensitæ, illa nimirum pars, ubi nunc Quangning; asterisimi prædominantes regioni assignati sunt Ki & Vi. Regum tempore Yen vocata est hæc regio; Cinæ familiæ auctor Xuus Imperator Leaosi dixit; Hiaouus Hanæ familiæ, postquam Coream armis domuisset, multis secum deductis è Corea advenis, ex illis hic colonias deduxit ac stabilivit, Provinciamque Caokiuli nomine insignivit. Tangæ familiæ auctor has iterum terras, ac Coream occupavit, duasque magnas in ea urbes condidit, unam Cai, alteram Leão nomine. Urai Reges Leão civitatem vocaverunt Tungking, Kina Tartarorum familia Leãoyang dixit, quod nomen paululum inflexum, in hodiernum usque diem retinet. Tota regio duas tantum majores numerat *Urbium numerus.* urbes, civitates aliquas, munimenta vero quamplurima, quæ isthic sunt, magnitudine &